

Suonne Suonnate

Massimo Ranieri

Suonne sunnate
p' 'e vvie sulitarie 'e Capemonte!...
'Nterra assettate
quanta vase ca ce simmo date 'nfronte!
Che sentimento!
Nce pienze cchiù Carmé'? Te vène a mente?
Suonne sunnate
p' 'e vvie sulitarie 'e Capemonte!...

Carmela, Carmè'...
Io che vulesse fá
pe' te vedé turná,
n'ata vota, addu me!

Frónne sfrunnate
da 'e primme viente 'e vierno 'mmiez'ê vvie...
E, scarpesate,
facevano rummore comm'a spie...
e te tremmava
'sta mana bella che mm'accarezzava...
Frónne sfrunnate
da 'e primme viente 'e vierno 'mmiez'ê vvie!

Carmela, Carmè'...

Ammore amato
p' 'e vvie sulitarie 'e Capemonte...
Nce só' turnato
ma pure 'e ppiante mm'hanno letto 'nfronte
ca mm'hê traduto,
ca tutt'ammore nuosto è già fernuto...
Ammore amato
p' 'e vvie sulitarie 'e Capemonte!...

Carmela, Carmè'...